

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
KANTONALNI SUD U SARAJEVU
Broj: 09 0 U 021857 14 U
Sarajevo, 12.12.2014. godine**

Kantonalni sud u Sarajevu, sudija Mujagić Vildana, u upravnom sporu tužitelja Udruženje građana „Borba protiv korupcije u BiH“ - Transparency International Bosne i Hercegovine, ulica Gajeva broj 2, Banja Luka, zastupan po Đikić Emiru, predsjedavajućem Odbora direktora-Kancelarija u Sarajevu, u ulici Franje Račkog broj 2, protiv tuženog Agencija za kvalitet i akreditaciju u zdravstvu Federacije BiH, ulica Dr. Mustafe Pintola broj 1, Sarajevo, radi poništenja rješenja broj :01-37-609-2/14 od 30.04.2014. godine, u predmetu rješavanja zahtjeva o ostvarivanju prava na pristup informacijama, dana 12.12.2014. godine, donio je :

RJEŠENJE

Postupak u ovoj upravnoj stvari se obustavlja.

Obrazloženje

Osporenim rješenjem tuženog, broj i datum kao u uvodu, u stavu I, usvaja se djelimično prigovor Transparency International Bosne i Hercegovine, za ostvarivanje prava na pristup informacijama. Stavom II dispozitiva tog rješenja, odobrava se pristup kompletnim traženim informacijama po podnošenju potpunog i urednog zahtjeva za pristup informacijama, uz navođenje svrhe i pravnog osnova za korištenje ličnih podataka u sastavu tražene informacije. Stavom III dispozitiva tog rješenja, odobrava se pristup parcijalnim traženim informacijama sa izuzetim ličnim podacima, po podnošenju urednog i potpunog zahtjeva za pristup informacijama uz navođenje mogućnosti izuzimanja ličnih podataka u sastavu tražene informacije. Stavom IV dispozitiva rješenja, određuje se da traženim informacijama se može pristupiti lično u prostorijama AKAZ -a, svakim radnim danom od 08,00 -16,00 sati, ili umnožene fotokopije traženih informacija dobiti poštom po cijeni od 0,50 KM, za svaku stranicu standardnog formata ili 5,00 KM, po CD-u za elektronsku dokumentaciju, pri čemu o konačnoj cijeni će organ obavijestiti nakon podnošenja zahtjeva, a informacije ustupiti nakon izvršene uplate na račun organa.

Tužitelj tužbom od 15.08.2014. godine, pred ovim sudom je pokrenuo upravni spor, osporavajući zakonitost rješenja tuženog, uz prijedlog da sud isto poništi i predmet vrati tuženom na ponovni postupak.

Po traženju suda, tužitelj je pismenim podneskom od 14.11.2014. godine, obavijestio sud da tužitelj više nema interes da vodi ovaj postupak i povlači tužbu u ovoj pravnoj stvari, obzirom da je tuženi rješenjem broj : 01-37-783-1/14 od 30.10.2014. godine, stavio van snage rješenje broj : 01-37-609-2/14 od 30.04.2014. godine, te dostavio sve tražene informacije. Istim podneskom, tužitelj je predložio da sud u smislu člana 55. Zakona o upravnim sporovima, a u vezi sa članom 388. Zakona o parničnom postupku, obaveže tuženog da snosi troškove upravnog spora.

Imajući u vidu navedeno, ovaj sud je u skladu sa odredbama člana 26. stav 2. u vezi sa odredbama člana 23. Zakona o upravnim sporovima, („Službene novine Federacije BiH“ broj : 9/05), odlučio kao u dispozitivu ovog rješenja.

POUKA: Protiv ovog rješenja žalba se ne može izjaviti.

